

傷寒明理
論三卷

附藥方論



王荆公詩箋注

原影印

王荆公學力在北宋推為第一人其生平所為
古今名體詩都五十卷洋洋灑灑高古處似少
陵雄渾處似昌黎敦厚處似香山豔麗處似樊
川綜三唐之精粹開兩宋之聲歌宜乎務觀誠
齋諸人皆奉為主泉全集復經羅湘寧文懿公
詳加箋注使讀者一目瞭然余元明諸刻本均
散漫不成全約而刻之最完全最精美者當推
清初武原張宗松家惜乎經二百年之塵劫張
刻原板後散失殆盡本局主人以重金搜求得
清綺齋即張氏藏書之室原書一全部不
忍私秘特用上等紙張影印傳世而影印之意
旨不在牟利而在使荆公真正之全詩集不致
失傳而在使學詩之士有所依據至於裝訂精
雅字跡顯明尤為難能可貴也

全集 精訂十六厚冊
分裝上下兩函

每部 中國連史紙定價六元
洋連史紙定價四元

特價祇售六折

外埠加郵費二角

文學巨著 文選集釋 出版廣告

大學校的文學講義

文選一書內容英華濃郁宏富精深大補益而
征之士莫不潛心讀之以家藏其書藏上機秘
惟是書雖經唐宋善註釋雖林註及毛本不為
藏秘使唐宋以後一千餘年之讀書者未嘗一
均未得其真味迨有清中葉漢川朱南坡先生
出而力為宣揚先生係一代太儒當教於學館
正誼書院以獨到之眼光將文選中各篇各節
逐段逐句之意義詳為闡發道前人所未道字
字句句皆至理名言不但為昭明之良佐亦且
為屈馬班揚等百數十家之功臣自定其書曰
文選集釋作書院中課士之範本以故道咸之
間共中文風科第甲於天下者皆此書之力也
本店為供當代文學系所需特得原稿本全部
精校精印全書十六厚冊分裝二巨函中國連
史紙印定價十元有光紙印定價六元特價祇
售六折寄費每部另加二角中有據張玉堂印
贈

圖書館的文藝靈光

醫學大學圖書館版權所有

傷寒明理論序

余嘗思歷代明醫迴骸起死祛邪愈疾非曰生而知之必也祖述前聖之經
高識妙探微索隱研究義理得其旨趣故無施而不可且百病之急無急於傷
寒或死或愈止於六七日之間十日以上故漢張長沙感往昔之論突傷橫未
之莫救撰為傷寒論數卷三百九十七法一百一十三方為醫門之規繩治病
之宗本然自漢逮今千有餘年唯王叔和得其旨趣後人皆不得其門而入是
以其間少於注釋闕於講義自宋以來名醫間有著述者如龐安常作卒論
朱肱作活人書韓祇和作微旨王實作證治雖皆互有闡明之義然而未能盡
張長沙之深意聊撮成公家世儒醫性識明敏記問該博撰述傷寒義皆前人
未經道者指在定體分形析證若同而異者明之似是而非者辯之釋戰慄有
內外之診論煩躁有陰陽之別讖語鄭聲令虛實之灼知四逆與厥使淺深之
類明始於發熱終於勞復凡五十篇目之曰明理論所謂真得長沙公之旨趣
也使習醫之流讀其論而知其理識其證而別其病胸次了然而無惑顧不博
哉余家醫業五十載究旨窮經自幼迄老凡古今醫書無不涉獵觀此書義理
燦然不能默默因序其略歲在壬戌八月望日錦嶠山嚴器之序

傷寒明理論目錄

上卷

發熱

惡寒

惡風

寒熱

潮熱

自汗

盜汗

頭汗

手足汗

無汗

頭痛

項強

頭眩

胸脇滿

心下滿

腹滿

少腹滿

煩熱

虛煩

躁煩

懊憹

舌上胎

衄血

噦

咳

中卷

喘

嘔吐

悸

渴

振

戰慄

四逆

厥

鄭聲



南京中醫藥大學圖書館版權所有

識語

短氣

搖頭

瘕癥

不仁

直視

鬱冒

動氣

自利

筋惕肉瞤

熱入血室

發黃

發狂

霍亂

畜血

勞復

下卷

諸湯方論

明理論目錄終



南京中醫藥大學圖書館版權所有

傷寒明理論卷上

仲景全書

宋聊攝人成無已撰述

明新安吳勉學師古閣

明應天徐 鎔春升校

發熱第一

傷寒發熱何以明之發熱者謂怫怫然發於皮膚之間焯焯然散而發熱者是也與潮熱寒熱若同而異與煩躁相類而非煩躁者在內者也潮熱之熱有時而熱不失其時寒熱之熱寒已而熱相繼而發至於發熱則無時而發也有謂翕翕發熱者有謂蒸蒸發熱者此則輕重不同表裏之區別爾所謂翕翕發熱者謂若合羽所覆明其熱在外也故與桂枝湯發汗以散之所謂蒸蒸發熱者謂若薰蒸之蒸明其熱在內也故與調胃承氣湯攻下以滌之其發熱屬表者即風寒客於皮膚陽氣怫鬱所致也其發熱屬裏者即陽氣下陷入陰中所致也觀其熱所從來而汗下之證明其辨焉若熱先自皮膚而發者知邪氣之在外也若熱先自裏生而發達於表者知邪氣之在裏也舉斯二者為邪氣在表在裏而發熱也惟其在表在裏俱有發熱故邪在半表半裏者亦有發熱之證何者以表證未罷邪氣傳裏裏未作實是為半表半裏其發熱者或始自皮



膚而漸傳裏熱。或始自內熱而外達於表。蓋邪氣在表。發熱者。則表熱裏不熱也。邪氣在裏。發熱者。則裏熱甚而達於表也。其在半表半裏發熱者。則皮裏俱發熱。而但熱又輕於純在表者也。經雖云發熱惡寒者。發於陽也。無熱惡寒者。發於陰也。然少陰病始得之。亦有反發熱者。蓋亦屬其表也。特與麻黃細辛湯發於陰者。是已發熱為陽寒之常也。一或陰陽俱虛。與其下利新汗後。又皆惡其發熱也。經云。脉陰陽俱虛熱不止者死。下利發熱亦死。內經云。汗出而後熱。而脉躁疾。不為汗衰。狂言不能食。此名陰陽不交者死也。斯亦發熱也。詎可與尋常發熱一概而論耶。醫者更當明辨之。

惡寒第二

傷寒惡寒。何以明之。惡寒者。風寒客於榮衛之中也。惟其風寒客於榮衛。則洒淅然惡寒也。惟其榮衛之受風寒。則嗇嗇然不欲舒也。其惡寒者。非寒熱之寒也。又非惡風也。且惡風者。見風至則惡矣。得以居密室之內。幃帳之中。則坦然自舒也。至於惡寒者。則不待風而寒。雖身大熱而不欲去衣者是也。寒熱之熱。謂寒熱更作。熱至則寒。無矣。其惡寒。雖發熱而不欲去衣者。甚則至於向火被覆。而猶不能過其寒也。所以然者。由陰氣上入陽中。或陽微。或風虛相搏之所

惡寒形狀



致也。惡寒一切屬表。雖裏證悉具。而微惡寒者。亦是表未解也。猶當先解其外。俟不惡寒。為外解。乃可攻裏也。經曰。發熱而惡寒者。發於陽也。無熱而惡寒者。發於陰也。謂如傷寒。或已發熱。或未發熱。必惡寒者。謂繼之以發熱。此則發於陽也。若惡寒而踈。脈沉細而緊者。此則發於陰也。在陽者可發汗。在陰者可溫裏。惡寒雖悉屬表。而在表者。亦有虛實之別。若汗出而惡寒者。則為表虛。無汗而惡寒者。則為表實。表虛可解肌。表實可發汗。又有止稱背惡寒者。背者胸中之府。諸陽受氣於胸中。而轉行於背。內經曰。人身之陰陽者。背為陽。腹為陰。陽氣不足。陰寒氣盛。則背為之惡寒。若風寒在表而惡寒者。則一身盡寒矣。但背惡寒者。陰寒氣盛可知也。經所謂少陰病。一二日口中和。而背惡寒者。當灸之。處以附子湯者是矣。又或乘陰氣不足。陽氣內陷入陰中。表陽新虛。有背微惡寒者。經所謂傷寒無大熱。口燥渴。心煩背微惡寒者。白虎加人參湯主之者是也。二者。一為陰寒氣盛。一為陽氣內陷。又何以明之也。且陰寒氣盛。豈又能消耗津液。故於少陰病。則曰口燥。舌乾而渴也。二者均是背惡寒。要辨陰陽寒熱不同者。亦於口中潤燥可知。

惡風第三

傷寒惡風。何以明之。黃帝鍼經曰。衛氣者。所以溫分肉。充皮膚。肥腠理。司開闔者也。風邪中於衛也。則必惡風。何者。以風則傷衛。寒則傷榮。為風邪所中於分肉。不溫而熱矣。皮毛不充而緩矣。腠理失其肥。則疎而不密。開闔失其司。則泄而不固。是以惡風也。是惡風惡寒二者。均為表證。其惡風則彼之惡寒而輕也。惡寒者。嗇嗇然增寒也。雖不當風而自然寒矣。惡風者。謂常居密室之中。帷帳之內。則舒緩而無所畏也。一或用扇。一或當風。淅淅然而惡者。此為惡風者也。惡寒則有屬於陽者。有屬於陰者。及其惡風者。悉屬於陽。非若惡寒之有陰陽也。三陰之證。並無惡風者。以此也。惡風雖悉在表。而發散又自不同。若無汗而惡風者。則為傷寒。當發其汗。若汗出而惡風者。則為中風。當解其肌。裏證雖具。而惡風未罷者。尤當先解其外也。又有發汗多亡陽。與其風濕。皆有惡風之證。蓋以發汗多漏不止。則亡陽外不固。是以惡風也。必以桂枝加附子湯。溫其經而固其衛。風濕相搏。骨節疼痛。濕勝自汗。而皮腠不密。是以惡風也。必以甘草附子湯。散其濕而實其衛。由是觀之。惡風屬乎衛者可知矣。

寒熱第四

傷寒寒熱。何以明之。寒熱者。謂往來寒熱也。經曰。邪正分爭。往來寒熱者。言邪氣之入也。而正氣不為之爭。則但熱而無寒也。乃有熱而寒者。謂其正氣與邪氣分爭。於是寒熱作矣。爭則氣鬱。不發於外而寒熱爭焉。爭甚則憤然而熱。故寒已而熱作焉。茲乃寒熱之理也。或謂寒熱者。陰陽爭勝也。陽勝則熱。陰勝則寒。此陰陽之爭也。何則。蓋以寒為陰而熱為陽。裏為陰而表為陽。邪之客於表者。為寒邪與陽相爭。則為寒矣。邪之入於裏者。為熱邪與陰相爭。則為熱矣。其邪半在表半裏外與陽爭而為寒。內與陰爭而為熱矣。表裏之不拘。內外不定。或出或入。由是而寒熱且往且來也。是以往來寒熱屬半表半裏之證。邪居表多則多寒。邪居裏多則多熱。邪氣半在表半在裏。則寒熱亦半矣。審其寒熱多少。見其邪氣淺深矣。小柴胡湯。專主往來寒熱。而又立成諸加減法。亦為邪氣在半表半裏。未有定處。往來不常。又寒熱如瘧。與夫發熱惡寒。皆似而非也。然寒熱如瘧者。作止有時者也。及往來寒熱。則作止無時。或往或來。日有至於三五發者。甚者十數套。與其瘧狀。有以異也。至於發熱惡寒者。為發熱時惡寒。並不見惡寒。時熱不見也。不若此熱已而寒。寒已而熱者。雖然。應往來寒熱。屬半表半裏。當和解之。又有病至十餘日。而結熱在裏。復往來寒熱者。亦可與大

柴胡湯下之。不可不知也。

潮熱第五

傷寒潮熱。何以明之。若潮水之潮。其來不失其時也。一日一發。指時而發者。謂之潮熱。若日三五發者。即是發熱。非潮熱也。潮熱屬陽明。必於日晡時發者。乃為潮熱。陽明者胃屬土。應時則王於四季。應日則王於未申。經曰。陽明居中央也。萬物所歸。無所復傳。蓋邪氣入胃。謂之入府。府之為言聚也。若府虛之府。邪氣入於胃而不復傳。邪氣鬱而為實熱。隨王而潮。是以日晡所發潮熱者。屬陽明也。惟其屬陽明。故潮熱為可下之證。經曰。潮熱者實也。又曰。潮熱者此外欲解也。可攻其裏焉。又曰。其熱不潮。未可與承氣湯。即此觀之。潮熱屬於胃者。昭然可見焉。雖然。潮熱為裏實可下之證。一或脈浮而緊。與其潮熱而利。或小便難。大便溇者。皆熱未全入府。猶帶表邪。當和解其外。外解已而小便利。大便鞭者。乃可攻之。或未潮熱。有屬太陽少陽者乎。少陽王於寅卯。太陽王於巳午。若熱於此時發者。為邪未入胃。豈得謂之潮熱。必待日晡所發者。乃謂之潮熱。見其邪在胃也。遇疾值病。詳而驗之。始見得真也。

自汗第六

傷寒自汗。何以明之。自汗者。謂不因發散而自然汗出者是也。內經曰。陽氣衛外而為固也。衛為陽。言衛護皮膚。肥實腠理。禁固津液。不得妄泄。汗者。干之而出。邪氣干於衛氣。氣不能衛固於外。則皮膚為之緩。腠理為之疎。由是而津液妄泄。漉漉然潤。漉漉然出。謂之自汗也。如發熱自汗出而不愈。此衛氣不和。風邪干於衛也。太陽中暍。汗出惡寒。身熱而渴者。暑邪干於衛也。多汗出而渴。此其風濕甚者。濕邪干於衛者也。是知衛氣固護津液。不令妄泄。必為邪氣干之而出也。風寒暑濕之毒。為四時之氣中人。則為傷寒。風與暑濕為邪。皆令自汗。惟寒邪傷人。獨不汗出。寒傷榮而不傷衛。衛無邪氣所干。則皮腠得以密。津液得以固。是以汗不出也。及其寒漸入裏。傳而為熱。則亦使自汗出也。蓋熱則榮衛通。腠理開而汗泄矣。然自汗之證。又有表裡之別焉。虛實之異焉。若汗出惡風。及微惡寒者。皆表未解也。必待發散而後愈。至於漏不止而惡風。及發汗後惡寒者。又皆表之虛也。必待溫經而後愈。諸如此。皆邪氣在表也。若汗出不惡寒者。此為表解而裏未和也。經曰。陽明發熱汗出。此為越熱。又曰。陽明病發熱汗多者。急下之。又非若邪氣在表。而汗出之可緩也。傷寒自汗之證。為常也。設或汗出髮潤。與其出之如油。或大如貫珠。著身出而不流。皆為不治之證也。必

手足俱周。通身悉潤。黎黎然。一時間許。煩熱已而身涼和。乃為佳矣。此則陰陽氣和水升火降。榮衛通流。邪氣出而解者也。內經曰。陽之汗。以天地之雨名之。此之謂也。

盜汗第七

傷寒盜汗。何以明之。盜汗者。謂睡而汗出者也。自汗則不。或睡與不睡。自然而出也。及盜汗者。不睡則不能汗出。方其睡也。溱溱然出焉。覺則止而不復出矣。雜病盜汗者。責其陽虛也。傷寒盜汗者。非若雜病之虛。是由邪氣在半表半裏。使然也。何者。若邪氣一切在表。干於衛則自然汗出也。此則邪氣侵行於裏外。連於表邪。及睡則衛氣行於裏。乘表中陽氣不綴。津液得泄。故但睡而汗出。覺則氣散於表。而汗止矣。經曰。微盜汗出。反惡寒者。表未解也。又陽明病。當作裏實而脈浮者。云必盜汗。是猶有表邪故也。又三陽合病。目合自汗。是知盜汗。為邪氣在半表半裏之間明矣。且自汗有為之虛者。有為之實者。其於盜汗之證。非若自汗有實者。悉當和表而已。不可不知也。

頭汗第八

傷寒頭汗。何以明之。頭者。諸陽之會也。邪搏諸陽。津液上湊。則汗見於頭也。邪



熱內畜。蒸發腠理。遍身汗出者。謂之熱越。若身無汗。則熱不得越。熱蒸於陽。故但頭汗出也。何者。以三陰之經。皆上至頸。胃中而還。不循於頭。獨諸陽脈上循於頭爾。經曰。但頭汗出身無汗。劑頸而還。小便不利。渴飲水漿。此為瘧熱在裏。身必發黃。為熱不得越而上達者也。又熱入血室。與其虛煩。或陽明發火。及水結胃。皆但頭汗出也。俱是熱鬱於內。而不得越者也。此數者。或吐或下。皆欲除其熱也。或謂頭汗之證。悉屬陽明。而為裏熱也。而有不屬陽明屬表者乎。且邪但在表者。則無頭汗之證。必也寒濕相搏。與邪氣半在表半在裏者。乃有頭汗也。傷寒五六日。已發汗而復下之。胃脇滿微結。小便不利。渴而不嘔。但頭汗出。往來寒熱。心煩。及傷寒五六日。頭汗出。微惡寒。手足冷。心下滿。口不欲食。大便鞭。脈細者。皆邪氣半在表半在裏。令頭汗出也。濕家。但頭汗出。欲得被覆向火者。寒濕相搏。令頭汗出也。茲數者。皆邪氣所干。令頭額自然汗出。又不謂之逆。其小便不利。則惡見頭汗出也。濕家下後。亦惡見頭汗出也。茲二者。乃為頭汗之逆者也。何則。以小便不利而成關格。若頭汗出。陽脫也。經云。關格不通。不得尿。頭無汗者生。有汗者死。濕家下後。若額上汗出而微喘者。亦陽脫也。經云。濕家下之。額上汗出。小便不利者死。下利不止者亦死。脈經曰。陽氣上出。汗見於

頭者。蓋陽脫也。則知可治而治。知其不可治而不治。皆得十全之上者。在於明辨而審也。

手足汗第九

傷寒手足汗出。何以明之。四肢者。諸陽之本。而胃主四肢。手足汗出者。陽明之證也。陽經邪熱。傳併陽明。則手足為之汗出。陽明為津液之主。病則自汗出。其有自汗出者。有但頭汗出者。有手足汗出者。悉屬陽明也。何以使之然也。若一身自汗出者。謂之熱越。是熱外達者也。但頭汗出者。是熱不得越。而熱氣上達者也。及手足汗出者。為熱聚於胃。是津液之傍達也。經曰。手足濇然汗出者。此大便必艱也。手足絳絳汗出。大便難而讞語者。下之則愈。由此觀之。手足汗出。為熱聚於胃。可知矣。或謂熱聚於胃。而手足為之汗出。其寒聚於胃。而有手足汗出者乎。經曰。陽明中寒者。不能食。小便不利。手足濇然汗出。此欲作痼瘕。即是中寒者也。且熱聚於胃。為可下之證。其寒聚於胃。為不可下。又何以明之。要明於此二者。必曰。大便初艱後溏。以胃中冷水穀不別故也。是以不可下者也。若大便難讞語者。為陽明證具。則是可下之證。臨病之際。宜須兩審。

無汗第十

宜下證

不宜下證

傷寒無汗。何以明之。腠理者。津液湊泄之所為腠。文理縫會之中為理。津液為風暑濕氣所干。外湊皮腠者。則為自汗出。若寒邪中經。腠理緻密。津液內蓄。則無汗。無汗之由。又有數種。如傷寒在表。及邪行於裏。或水飲內畜。與亡陽久虛。皆令無汗。其傷寒無汗。則腠理緻密也。風中於衛。則腠理開而自汗。寒中於榮。則無汗。謂腠理閉也。經所謂太陽病。惡風無汗而喘。及脈浮緊無汗發熱。及不汗出而煩躁。陽明病反無汗。而小便利。二三日嘔而欬。手足厥。苦頭痛。鼻乾。不得汗。脈浮無汗而喘。與其剛瘕無汗。是數者。皆寒邪在表而無汗者也。其邪氣行於裏。無汗者。為邪氣在表。熏發腠理。則汗出。邪氣內傳。不外熏發者。則無汗。經所謂陽明病無汗。小便不利。心中懊懣者。身必發黃。及傷寒發熱無汗。渴欲飲水。無表證者。白虎加人參湯主之。與夫三陰為病。不得有汗。是數者。皆邪行於裏而無汗者也。其水飲內畜而無汗者。為水飲散而為津液。津液布濫而為汗。既飲內畜而不行。則津液不足而無汗。經所謂服桂枝湯。或下之。仍頭項強痛。翕翕發熱無汗。心下滿微痛。小便不利者。桂枝湯去桂加茯苓白朮湯主之。是津液內滯而無汗者也。其陽虛無汗者。諸陽為津液之主。陽虛則津液虛少。故無汗。經所謂脈浮而遲。遲為無陽。不能作汗。其身必痒。陽明病反無汗。其身

如蟲行皮中之狀。此以久虛故也。皆陽虛而無汗者也。如是者。理之常也。又焉得為異哉。一或當汗而不汗。服湯一劑。病證仍在。至於服三劑而不汗者。死病也。又熱病脈躁盛而不得汗者。黃帝謂陽脈之極也。死。茲二者。以無汗為真病。詎可與其餘無汗者。同日而語也。

頭痛第十一

傷寒頭痛。何以明之。頭痛謂邪氣外在經絡。上攻於頭所致也。難經曰。太陽經受風寒。伏留而不去。則名厥。頭痛言三陽之經。上於頭爾。然傷寒頭痛者。太陽專主也。何者。以太陽之經。起於目內眥。上額交巔。入絡腦。經所謂太陽受病者。頭項痛。腰脊強。又曰。七日病衰。頭痛少愈。雖然。陽明少陽亦有頭痛。不若太陽之專主也。蓋太陽為病屬表。而頭痛專為主表證。雖有風寒之不同。必待發散而後已。太陽病。頭痛發熱。身疼。腰痛。骨節疼痛。惡風。無汗而喘者。傷寒也。麻黃湯主之。太陽病。頭痛發熱。汗出惡風者。中風也。桂枝湯主之。雖有傷寒。六七日。不大便。頭痛有熱者。而與調胃承氣湯下之者。又云。若小便清者。知熱不在裏。仍在表也。當與桂枝湯。以頭痛未去。雖不大便六七日。其小便清者。猶為在表。是知頭痛屬乎表者明矣。頭痛一切屬三陽經也。而陰病亦有頭痛乎。太陰